

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **80 (2018)**

Heft 3: **Wirtschaft, Arbeit, Haushalt**

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Visitar en vaschign

ZEGNA PITTET-DOSCH

Ainten la novavla classa on las scolaras ed igls scolars cugl plan d'instrucziun 21 en nov rom da scola, economeia, labour e tigneirtgesa. Per exaimpel prevei cò igl plan d'instrucziun la cumpetenza, tg'igls scolars e las scolaras tgapeschan las fieras ed igl commerzi e son reflectar davart igls daners. En scalem da cumpetenza è alloura tg'igls scolars e las scolaras son concretisar en ciclus economic simpel a mang d'en exaimpel, proponia vign tranter oter la vendita sen en bagn puril.

Bagns purils, tals cattainsa savens ainten las nossas regiuns muntagnardas, per me gist l'ocasiun da visitar en bagn puril, egn cun buteia purila.

Salomon è igl vadel igl pi gioven aint igl uigl dad Isabelle e Meni Collet a Riom. Salomon, en vadel tranter blers, en vadel dalla razza Simmental, en vadel cun en cler pensum. Salomon crescha e vign ferm, cura tg'el è bung en onn, vign el mano tigl mazler. La sia tgerm è dumandada. Avant prest vantg onns ò la famiglia Collet antschet cun la vendita directa da tgerm. Per pudeir satisfar a tot igls cliaints dovran els dodesch biestgs gross da maz ad onn. Avant diesch onns ò Isabelle Collet gia l'idea da realisar ena buteia purila. Ena

buteia purila cun magliaretsch, decoraziun fatga digl bab dad Isabelle e per exaimpel taschas e tastgettas da tualetta cuseidas dalla poura. Ins pò pero er cumprar products da Gran Alpin e mêl or dalla vischnanca. Naturalmaintg dattigl er da cumprar la tgerm da maz scu tala, pero er liongas, salsiz u tgerm setgantada. Tot tgerm tgi dereiva da lour animals, vadels tgi passaintan en onn tar els u er vatgas tgi vignan manadas a maz. Salomon è egn da vantgaseis vadels ad onn, schi tot geia bagn e mintga vatga survigna en vadel, uscheia Isabelle Collet. Dus anfignen treis vignan betg manos tigl mazler, igls criteris persiva seian simpels, per exaimpel stoptgigl esser da bung character ed er plascheir ad els. Igls animals digl bagn puril digls Collets vignan tots mazzos aint igl Grischn Central. Isabelle e Meni Collet von alloura a pacatar e vacumar la tgerm ainten las purziuns tg'en giavischeidas digls cliaints. Dasperas pacateschan els er las purziuns per lour buteia purila. Igls cliaints dalla buteia purila seian surtot giasts tgi passaintan lour vacanzas ainten la region da Savognin, pi exact giasts da Tigignas, Talvangas e Radons. Chels giasts steman la qualitat dalla tgerm e la derivanza locala. Chegl tgi pertotga igl contact cun

igls cliaints vegigl pero daple contact cugls cliaints dalla vendita directa. Tals giaveischan las purziuns ed igls conjugals Collet portan er persunalmaintg la tgerm tigl cliaint. Els saptgan betg deir quant gudogn tgi la vendita directa e la buteia purila igls porta ad onn ainten la cassa. I seia gio betg pussebel da nudar mintga tschintg minutas labour tgi fetschan persiva ed els saptgan er betg piglier ena paia all'oura tgi constetta alla lescha da labour. An mintga cass valigl betg angal da chintar schi renda, i dovra en bung po idealissem, sottastretga Isabelle Collet. Sot igl uigl dallas vatgas ò la famiglia Collet anc en pro noua tg'ins vei otg lamas. Chels animals vegia'l giavischia Meni Collet. Chi e lò, per attraccziuns turisticas, porschan els da far spassagedas cun lamas. Francamaintg, uscheia Meni Collet, da stad fissan chellas dumandadas, pero da stad vegian els tanta labour segl fons, tgi vigna per els betg an dumonda da porscher pi regularmaintg chellas spassagedas. Tuttegnà è da catter ensatge tgi dereiva digls lamas ainten la buteia purila. Tot tenor razza digl lama vign el tundia mintg'onu u mintga sagond onn. Chella langa lascha la famiglia Collet lavar e scartatscher ed ordlonder dattigl curveias da letg.

